

醫方目錄

傷寒溫疫條辨
四卷

渭珍氏訂



傷寒瘟疫條辨卷四

醫方目錄

麻黃附子細辛湯

升降散

麻黃湯

桂枝湯

大青龍湯

小青龍湯

黃芩湯

白虎湯
附白虎加人參湯

大承氣湯

小承氣湯

調胃承氣湯

大柴胡湯

柴胡龍骨牡蠣湯

增損大柴胡湯



雙解散

增損雙解散

涼膈散

加味涼膈散

三黃石膏湯

增損三黃石膏湯

理中湯 附理中丸

四逆湯 附四味回陽飲

神解散

清化湯

大清涼散

小清涼散

小柴胡湯

附柴胡加芒硝湯 柴胡陷胸湯 柴胡枳桔湯

六一順氣湯

加味六一順氣湯

理陰煎

附附子理陰煎

補陰益氣煎

大溫中飲

補中益氣湯

桃仁承氣湯

代抵當湯丸

茵陳蒿湯

參胡三白湯

黃連解毒湯

玉女煎

黃龍湯 附補脾湯

大復甦飲

小復甦飲

六味地黃丸 附腎氣丸料

參胡溫胆湯

人參養榮湯

葛根湯 附桂枝加葛根湯

痛瀉要方

桂枝麻黃各半湯

人參敗毒散



北京中醫藥大學圖書館藏

冲和湯

葛根加半夏湯

增損普濟消毒飲

眞武湯

梔子豉湯

附梔子生薑豉湯
梔子乾薑湯

梔子甘草豉湯
梔子厚朴湯

瓜蒂散

炙甘草湯

生脉散

左歸丸

右歸丸

蜜煎導法

參歸養榮湯

犀角地黄湯

通脉四逆湯

白頭翁湯

桔槩杏仁煎

腸癰秘方



北京中医药大学图书馆版权所有

連翹金貝煎

蠟礬丸

附子湯

桂枝加附子湯

甘草附子湯

正方七十一
附方十四



北京中医药大学图书馆藏书

第...卷

三
北...山...

本草綱目
卷之...
...



北京中医药大学图书馆版权所有

醫方辯引

作方圓必以規矩治病證必以古方固也但古方今
病焉能盡合是以羅太無曰以古方治今病正如拆
舊屋湊新屋其材木非一必再經匠氏之手故用方
者不貴明其所當然要貴明其所以然則或增或損
或奇方或偶方或合方或以內傷方治外感或以外
感方治內傷信手拈來頭頭是道許學士云讀仲景
之書用仲景之法未嘗執仲景之方乃爲得仲景之
心也若不明其所以然而徒執其方如經生家不能

擗管作文乃記誦先輩程文以計場屋題目之必中
奚可哉是集諸方人所易曉者止錄其方其涉疑難
及理趣深奧者頗採明理論醫方考明醫方論等書
以闡明之間附一得之見誠能潛心於此處方其無
誤乎抑又有慮焉仲景傷寒論曰病當汗解診其尺
脉濇先與黃芪建中湯補之然後汗之先賢慎於用
汗藥如此則吐藥下藥可知矣故凡用方者雖方與
病合又在診脉並察兼證以詳辯其虛實或汗或吐
或下方爲盡善若遇老人虛人血氣陰陽四損者宜

可顧護元氣而不可輕用汗吐下之重劑也

麻黃附子細辛湯

傷寒論曰少陰病

脈微細但欲寐

始得之反發熱

太陽表熱脈

沉者

少陰裏寒

此方主之

麻黃

去節

附子

炮

細辛

各二錢

水煎麻黃去沫次入附

子細辛煎服

病發於陰者當無熱今少陰始病何以反發熱此乃

太陽少陰之兩感病也蓋太陽膀胱與少陰腎相為

表裏寒邪感於少陰故裏有脈沉由絡達於太陽故



北京中医药大学图书馆

此論僅見直出
人頭的真傷寒
溫病分門另治
從此得解

表有發熱有太陽之表熱故用麻黃以發汗有少陰
之裏寒故用附子細辛以溫中三陰之表發與三陽
不同三陰必以溫經之藥為表故麻黃附子同用方
是少陰表發之正也 按傷寒病兩感者亦少此即
太陽少陰之兩感也麻黃附子同劑治法委是奇特
學者引伸觸類可應無窮之變矣且傷寒兩感麻黃
附子細辛湯主之此仲景傷寒兩感之治法溫病兩
感雙解散主之此河間補仲景溫病兩感之治法此
二方者乃辨溫病與傷寒發表攻裏兩感異治之要

訣也世之以溫病為傷寒以傷寒方治溫病者觀此
能勿悔心乎

升降散 溫病亦雜氣中之一也表裏三焦大熱其

證不可名狀者此方主之

如頭痛眩暈胸膈脹悶心腹疼痛嘔吐

食者如內燒作渴上吐下瀉身不發熱者如增
寒壯熱一身骨節痠痛飲水無度者如四肢厥
冷身涼如冰而氣噴如火煩燥不寧者如身熱
如火煩渴引飲頭面猝腫其大如斗者如咽喉
腫痛痰涎壅盛滴水不能下嚥者如遍身紅腫
發塊如癰者如斑疹雜出有似丹毒風瘡者如
胸高脇起脹痛嘔如血注者如血從口鼻出或
目出或牙縫出毛孔出者如血從大便出甚如
爛瓜肉星漏水者如小便瀉淋如血滴點作疼
不可忍者如小便不通大便瀉無度肢痛腸

鳴如雷者如便清瀉白足重難移者如肉潤筋
惕者如舌捲囊縮者如舌出寸許絞擾不住者
聲不出者如譫語狂亂不省人事如醉如癡者
如頭疼如破腰痛如折滿面紅腫目不能開者
如熱盛神昏形如醉人哭笑無常目不能開者
如手舞足蹈見神見鬼似瘋癲狂祟者如誤服
發汗之藥變為亡陽之證而發狂叫跳或昏不
識人者外證不同受邪則一凡未曾服過他藥
者無論十日半月一月
但服此散無不輒效

白殭蠶

酒炒

全蠍

去土

廣薑黃

去皮

川大黃

生

錢

秤准右為細末合研勻病輕者分四次服每

服重一錢八分二釐五毫用黃酒一盅蜂蜜五

錢調勻冷服中病即止病重者分三大服每服

重二錢四分三釐三毫黃酒盅半蜜七錢五分

調勻冷服最重者分二次服每服重三錢六分

五釐黃酒二盅蜜一兩調勻冷服

一時無黃酒
稀成酒亦可

斷不可用蒸酒胎產亦不忌煉蜜凡名太極丸服法同

前輕重分服用蜜酒調勻送下

按溫病總計十五方輕則清之神解散清化湯芳香

飲大小清涼散大小復甦飲增損三黃石膏湯八方

重則瀉之增損大柴胡湯增損雙解散加味涼膈散

加味六一順氣湯增損普濟消毒飲解毒承氣湯六



方而升降散其總方也輕重皆可酌用察證切脈斟酌得宜病之變化治病之隨機應變又不可執方耳按處方必有君臣佐使而又兼引導此良工之大法也是方以僵蠶爲君蟬蛻爲臣姜黃爲佐大黃爲使米酒爲引蜂蜜爲導六法俱備而方乃成竊嘗考諸本草而知僵蠶味辛苦氣薄喜燥惡濕得天地清化之氣輕浮而升陽中之陽故能勝風除濕清熱解鬱從治膀胱相火引清氣上朝於口散逆濁結滯之痰也其性屬火兼土與木老得金水之化僵而不腐溫

病火炎土燥、焚木燄金、得秋分之金氣、而自衰、故能
辟一切怫鬱之邪氣、夫蠶必三眠三起、眠者病也、合
籩皆病、而皆不食也、起者愈也、合籩皆愈、而皆能食
也、用此而治合家之溫病、所謂因其氣相感、而以意
使之者也、故爲君、夫蟬氣寒、無毒、味鹹、且甘、爲清涼
之品、出糞土之中、處極高之上、自甘風露而已、吸風
得清陽之真氣、所以能祛風而勝濕、飲露得太陰之
精華、所以能滌熱而解毒也、蛻者退也、蓋欲使人退
去其病、亦如蟬之蛻然無恙也、亦所謂因其氣相感

而以意使之者也。故爲臣薑黃氣味辛苦大寒無毒
蠻人生啖喜其祛邪伐惡行氣散鬱能入心脾二經
建功闢疫故爲佐大黃味苦大寒無毒上下通行蓋
亢甚之陽非此莫抑苦能瀉火苦能補虛一舉而兩
得之人但知建良將之大勲而不知有良相之碩德
也故爲使米酒性大熱味辛苦而甘令飲冷酒欲其
行遲傳化以漸上行頭面下達足膝外週毛孔內通
藏府經絡驅逐邪氣無處不到如物在高巔必奮飛
冲舉以取之物在遠方及深奧之處更必迅奔探索